

p. 10 : 2【十門】

	1	2	3	4	5	6	7	8	9	10
華嚴經疏	教起因緣	藏教所攝	義理分齊	教所被機	教體淺深	宗趣通局	部類品會	傳譯感通	總釋經題	別釋文義
彌陀經疏	教起所因	藏教等攝	義理深廣	所被階品	能詮體性	宗趣旨歸	部類差別	譯釋誦持	總釋名題	別解文義
大經解	教起因緣	本經體性	一經宗趣	方便力用	所被根器	藏教所攝	部類差別	譯會校釋	總釋名題	正釋經義

p. 10 : 6【天台五重玄義】(1)釋名：解釋一經之名稱；(2)辨體：辨一經之旨歸；(3)明宗：明一經所主之修行；(4)論用：論一經之勝能；(5)判教：詳稱教相判釋，即判釋一經之教相及價值。…如此順次聯關，以釋顯一經的深義。

~《中華佛教百科全書》

p. 10~p. 20【教起因緣】總說：同於《華嚴》、《法華》，同為一大事因緣：「開示悟入佛之知見」。淨宗正是直指頓證之法。以念佛心，入佛知見。淨宗之興起，正由此大事因緣也。別說：1. 稱性極談，如來正說。2. 三根普被，聖凡齊收。3. 他力妙法，善護行人。4. 暗合道妙，巧入無生。5. 大聖垂慈，特留此經。《阿彌陀經疏鈔》卷1：「別則專就此經。復有十義：一、大悲憫念末法為作津梁故。二、特於無量法門出勝方便故。三、激揚生死凡夫令起欣厭故。四、化導二乘執空不修淨土故。五、勉進初心菩薩親近如來故。六、盡攝利鈍諸根悉皆度脫故。七、護持多障行人不遭墮落故。八、的指即有念心得入無念故。九、巧示因於往生實悟無生故。十、復明徑路修行徑中之徑故。」(X22,p.609,a6-12)

p. 12 : 4【稱性極談】《華嚴經行願品疏鈔》卷2：「諸經就機權引。本意欲令歸真。若無此經稱性極談。究竟無所歸處。為談真實。故說斯經。」(X05,p.240,a22-24)本經：「開化顯示真實之際」；「於此經中生導師想」；「諸佛如來無上之法，我今如理宣說如是廣大微妙法門，一切諸佛之所稱讚」；「如來功德佛自知，唯有世尊能開示」。

p. 13 : -1【聖凡齊收】本經〈菩薩往生第42〉：「無數諸菩薩眾，皆不退轉。智慧勇猛，已曾供養無量諸佛，具大精進，發趣一乘。於七日中，即能攝取百千億劫，大士所修堅固之法。斯等菩薩，皆當往生。」〈三輩往生第24〉：「下輩者，假使不能作諸功德」，〈往生正因第25〉：「若多事物，不能離家，不暇大修齋戒，一心清淨。」《觀經四帖疏》卷1：「如來說此十六觀

法，但為常沒眾生，不干大小聖。」(T37,p.249,c8)上至文殊、普賢，乃至馬鳴、龍樹、智者、永明等大師皆求生，下至五逆十惡，臨終十念功成亦生。

p. 15:-4【他力妙法】本經〈發大誓願第 6〉：四十八願。〈歌歎佛德第 27〉：「此皆無量壽佛本願加威」。〈受菩提記第 44〉：「由彼如來加威力故，能得如是廣大法門。」〈聞經獲益第 48〉：「皆是阿彌陀佛宿願因緣，俱得往生極樂世界。」

p. 17:1【他力、自心】《往生論註》卷 2：「當復引例示自力他力相。如人畏三塗故受持禁戒。受持禁戒故能修禪定。以禪定故修習神通。以神通故能遊四天下。如是等名為自力。又如劣夫跨驢不上。從轉輪王行。便乘虛空。遊四天下。無所障礙。如是等名為他力。愚哉！後之學者聞他力可乘。當生信心。勿自局分也。」(T40,p.844,a21-27)《淨土十疑論》卷 1：「譬如跛人步行，一日不過數里，極大辛苦，謂自力也。易行道者，謂信佛語教念佛三昧，願生淨土，乘彌陀佛願力，攝持決定，往生不疑也。如人水路行，藉船力故，須臾即至千里，謂他力也。譬如劣夫從轉輪王，一日、一夜周行四天下，非是自力，轉輪王力也。」(T47,p.79,a17-23)《安樂集》卷 1：「眾生亦爾，在此起心立行，願生淨土，此是自力；臨命終時，阿彌陀如來光臺迎接，遂得往生，即為他力。」(T47,p.12,c4-7)《淨土十疑論》卷 1：「他力者，若信阿彌陀佛大悲願力，攝取念佛眾生，即能發菩提心，行念佛三昧，厭離三界，身起行施、戒、修福，於一一行中，迴願生彼彌陀淨土，乘佛願力，機、感相應，即得往生。」(T47,p.79,a6-10)《阿彌陀經要解便蒙鈔》卷 3：「先須開圓解。了知心佛眾生三無差別。自他本自不二。乃托他佛以顯本性。故應佛顯。知本性明。托外義成。唯心觀立。今此念佛求生法門。乃自他俱念。立唯心識觀。圓破我法二執也。全在了他即自者。乃了知佛是眾生心內之佛。眾生乃佛心內眾生。心佛眾生三無差別。自他不二之圓頓解也。若諱言他佛。諱。謂忌諱。則是他見未忘。他見未忘。我見仍在。對自言他故。我見仍在。(若)必專重自佛以為捷近。却又成我見顛倒。我執不空。如何了其法執。我法二執既不了。如何圓淨四土。圓證三身也。」(X22,p.872,b22-c8)

p. 17:5【巧入無生】本經 48 願之 12 願〈定成正覺〉：「所有眾生，生我國者，決定成等正覺，證大涅槃。」20 願：「生我剎，作阿惟越致菩薩。」29 願：「所有眾生，生我國者，皆同一心，住於定聚。」35 願：「所有眾生，生我國者，究竟必至一生補處。」44 願：「十方佛剎諸菩薩眾，聞我名已，

皆悉逮得清淨、解脫、普等三昧，諸深總持。住三摩地，至於成佛。」46、47、48 願：「他方世界諸菩薩眾，聞我名者，證離生法，獲陀羅尼。清淨歡喜，得平等住。修菩薩行，具足德本。應時獲一二三忍。於諸佛法，現證不退轉。」凡夫因念佛、往生淨刹，便巧入無生忍。

p. 18 : 7【即念無念、巧入無念】《阿彌陀經疏鈔》卷 1：「的指即有念心得入無念者。心本無念。念起即乖。而眾生無始以來。妄想慣習。未易卒遣。今教念佛。是乃以毒攻毒。用兵止兵。病愈寇平。則捨病體更無自身。即寇盜原吾赤子。」「念一佛名。換彼百千萬億之雜念也。而妄從真起。波逐水生。即念即空。居然本體。非於念外別得菩提。故云萬法虛偽。唯是一心。了悟自心。觸目菩提矣。」「巧示因於往生實悟無生者。七地僅名現相。八地乃得無生。而亟欲滅生以求無生。彌求彌遠。今以來生淨土。乃悟無生。入有得空。即凡成聖。可謂通玄祕訣。換骨神丹。」「今專念佛。發願往生。生彼國已。華開見佛。識自本心。本自不生。生亦何礙。所謂熾然求生。而不乖於無生之理。終日生而未嘗生者。乃所以為真無生也。有生而悟無生。故云入有得空。生屬凡夫。而因生無生。故云即凡成聖。就路還家。潛超密度。難思難議。故云通玄。倏爾轉移。如平地升僊。白衣驟貴。故云換骨。捨祕訣而耕空言。棄神丹而服狂藥。豈不大可哀哉。」(X22,p.611,c2-p.612,a14)

p. 20 : 3【本經體性】物之實質為「體」，體之無改為「性」。本經所詮，極樂世界、阿彌陀佛種種依正莊嚴，一一皆是真實智慧無為法身，一一即是實相。此經直顯本心，全彰自性，當相即道，無非實相，故云本經以「實相」為體也。如《彌陀要解》云：「實相無二，亦無不二。是故舉體作依作正，作法作報，作自作他，乃至能說所說，能度所度，能信所信，能願所願，能持所持，能生所生，能讚所讚，無非實相正印之所印也。」

「實相」無相：離盡虛妄之相，即見實相。離言說相、離名字相、離心緣相，但隨妄念有相，「相」不可得也！如(p. 21 : -3)文云：「若誤認為實有一具體之金相可得，則仍在相中。」故須當相而離相，相而無相，乃顯實相。

「實相」無不相：即一切法，當相即是實相，非離妄相之外，另有「實相」可得，故《要解》直指「吾人現前一念心性」即是「實相」，楞嚴喚「本如來藏妙真如性」、起信稱「法身、本覺」、六祖作「自性」、天台以「中道第一義諦」作觀等皆是。

實相＝一念心性、如來藏、一心、一真法界、真如、中道、第一義諦。

實相無相←→離相、離四句絕百非、真如門、唯心、空如來藏、畢竟空寂。
實相無不相←→即相、具造百界千如、生滅門、不空如來藏、理事無礙。
《觀無量壽佛經疏》卷 1：「大乘經以實相為印。為經正體。無量功德共莊嚴之。種種眾行而歸趣之。言說問答而詮辯之。」(T37,p.188,a23-25)《觀經疏妙宗鈔》卷 3：「以情分別，一切皆邪；離情分別，一切皆正。今簡情取理而為經體，應知實相全體照明，稱為真心，亦名本覺；覺體遍故，諸法皆實。若指其要，不離現前分別之念，念即本覺，覺即經體。無別經體以為所詮，以此覺心觀於依正，能所即絕，待對斯忘。妙觀之宗，自茲而立。」(T37,p.209,a15-21)

p. 25 : 8【無量壽經宗趣】此《解》以「發菩提心，一向專念」為宗，以「圓生四土，逕登不退」為趣。古有多解如下：

1. 吉藏《無量壽經義疏》卷 1：「此經宗致凡有二例：一者法藏修因感淨土果。二者勸物修因往生彼土。」(T37,p.116,c18-19)
2. 元曉《兩卷無量壽經宗要》卷 1：「此經正以淨土因果為其宗體。攝物往生以為意致。」(T37,p.125,c28-29)
3. 曇鸞《無量壽經優婆提舍願生偈註》卷 1：「說無量壽佛莊嚴功德。即以佛名號為經體。」(T40,p.826,b13-14)
4. 善導《觀無量壽佛經疏》卷 1：「今此《觀經》即以觀佛三昧為宗，亦以念佛三昧為宗。一心迴願往生淨土為體。」(T37,p.247,a18-20)
5. 觀徹《無量壽經和贊》：「此經念佛為宗，往生為體。」
6. 蓮池《阿彌陀經疏鈔》卷 1：「此經宗乎法性。於法性中。復分總別。總而合之。謂是依正清淨。信願往生。以為宗趣。」(X22,p.617,c19-20)
7. 傳燈《圓中鈔》卷 1：「以信願淨業為一經宗要。」(X22,p.561,b11)智圓《阿彌陀經疏》卷 1：「以信願淨業為宗」(T37,p.352,b4-5)
8. 蕩益《阿彌陀經要解》卷 1：「此經以信願持名為修行之宗要。非信不足以啟願。非願不足以導行。非持名妙行不足以滿其所願而證所信。」(T37,p.364,b17-20)

p. 27 : 8【本經之宗】發菩提心，一向專念。

1. 元曉《兩卷無量壽經宗要》：發無上菩提之心是明正因。專念彼佛。修善。此觀及行為助滿業。(T37,p.128,b17-19)
2. 善導、靈芝：持名為正行，發心為助行。

- 3.蓮池《阿彌陀經疏鈔》卷3：「還以持名為正行。復以持名為發菩提心。則雙取兩家。而和會其義也。」(X22,p.657,b19-20)
- 4.蕩益《彌陀要解》：以信願持名為宗。深信彌陀願力、深信名號功德及深信吾人心性本不可思議，具此深信方能發於大願。深信發願，即無上菩提。合此信願，的為淨土指南，由此而執持名號，乃為正行。

p. 30：-6【持名為發菩提心】《阿彌陀經疏鈔》卷3：「欲生彼國。須多善多福。今持名乃善中之善。福中之福。正所謂發菩提心。而為生彼國之大因緣也。」(X22,p.657b10-12)「若持名為助行。則下文聞說阿彌陀佛。執持名號。義云何通？助行持名。斷無此理。又靈芝以觀經三福配此福德。則第三福發菩提心。乃成助行。與海東菩提心為正行。二亦矛盾。而觀經以三福為淨業正因。則助行菩提。亦無此理。今雙為和會者。還以持名為正行。復以持名為發菩提心。則雙取兩家。而和會其義也。」(X22,p.657b14-20)而下文以持名即是《智度論》的「五菩提心」為佐證，文多不贅，須者往檢。其意指：信願持名者，即是「菩提心」的實行也。

p. 36：-4【見思煩惱自然斷落】何故於念佛事一心(事持)中，不求斷惑而見思自然斷落(任運斷)？語出《天台四教儀》卷1：「圓人本期不斷見思、塵沙。意在入住、斷無明見佛性。然譬如冶鐵。麤垢先去。非本所期。意在成器。器未成時。自然先落。雖見先去。其人無一念欣心。所以者何？未遂所期故。圓教行人亦復如是。雖非本所望。自然先落。」(T46,p.779,b21-25)《四教儀註彙補輔宏記》卷9：「但是圓修。麤惑先斷。猶如冶鐵。麤垢先除。【記】此明圓人惑障。雖有任運先斷。非彼本心也。何者？志在入住。圓破無明。頓見佛性也。…意謂雖非本心。則任運而有先斷也。」(X57,p.938,a18-23)故知念佛行者，若明圓義(自他不二、心佛不二)，原本期望成就阿彌陀佛之無量光壽，故能潛通佛智，暗合道妙，於事一心念佛中，明自心佛性，本無貪瞋等見思惑，雖不著力專斷貪瞋，見思任運斷落而成就「事一心不亂」境地，而得以往生「方便土」矣！

p. 37：1【定門攝，未有慧】出自《阿彌陀經疏鈔》卷3。未破妄想、未破無明惑，故云「未有慧」。《疏鈔演義》卷3云：念念相續。無有二念。則心不散亂故屬定攝。疏鈔專以事一屬憶念。亦一往言耳。若無空性智慧，如何破見思惑、證事一心不亂？故知：此乃以能破「法我執」之法空智慧為標準。